

ՇՈՇ ԵՎ ՔԱՐԱԳԼՈՒԻ ՍՂՆԱԽՆԵՐԻ ՆՈՒՅՆԱՑՄԱՆ ՀԱՐՑԻ ՇՈՒՐՁ

Գ. Ա. ԶՈՐԱՆՅԱՆ

XVII դարի առաջին քառորդում ազատագրական պայքարի ելած Արցախի հայ ընկալության համար լինելով հիմնական հավաքատեղիներից ու պաշտպանական ամրություններից մեկը, Շուշի (Շուշիի) բերդը մի քանի տասնամյակ անց դառնում է մահմեդական խանության կենտրոն և իր մեջ ընդունելով նաև օտարասեռ էթնիկ խումբ, վերածվում Արցախի հայ ազատագրական շարժման խափանման հիմնական հանգիստի։ Շուշիի բերդ-ամրոցի հռչակը, սակայն, զգալի չափով ստվերել է այն կարևոր դերը, որ ազատագրական պայքարի տարիներին կատարել է Քարազուխ ամրոցը և որի մասին նշած վկայությունները ևս պատմագիտական գրականության մեջ վերագրվել են Շուշիին ու ըստ այդմ՝ նույնացվել այդ երկու ամրությունները։

Պատմական սկզբնաղբյուրներում Շուշի գյուղի վաղագույն հիշատակությունը վերաբերում է 1422 թ.։ Շուշիում արտագրված Ավետարանի հիշատակարանում վկայված է. «...գրեցաւ սուրբ Աւետարանս ձեռամբ յոգնամեղ և ապիկար դրչի տէր Մանուէլի ի թուականութեանս հայոց ՊՃԷ (1428) ի յաշխարհիս Աղուանից, ի վիճակս Ամարասայ, ի գեղս Շուշու կոչեցեալ, ընդ հովանեաւ Աստուածածնիս ի կաթողիկոսութեան տէր Յոհաննիսի...»¹։ Շուշիում 1575 թ. Հովհաննես երեցի կողմից արտագրված Ավետարանի հիշատակարանի հաղորդման համաձայն ոչ միայն հաստատվում է Շուշիի գոյության փաստը, այլև ապացուցվում, որ Արցախը XVI դարի երկրորդ կեսին դառնում էր Նրեանի վիլայեթի կազմում²։ Ընդ ժողովուրդ-Սաադի կողմ Նրեանի նահանգ գաւառս Վարընթոյ (Վարանդա), ի գաւղս որ կոչի Կուշոց, ընդ հովանեաւ սուրբ Ստեփանոսիս... և ընդ հովանեաւ սուրբ Աստուածածնիս»³։ Շուշի գյուղում երկու եկեղեցիների առկայությունը վկայում է նրա բուդապեղական մասին։ Գյուղում պահպանվել են 1458, 1651, 1655, 1712 թթ. հայերեն վիմագիր արձանագրություններ⁴, որոնք վկայում են գյուղում կյանքի անընդհատության մասին։ Գյուղի հին գերեզմանատան տապանաքերում (XIII—XVII դդ.) բաղմիցս կրկնվում է «Շոշոյ» տեղանունը⁵։

Արձանագրելով Շուշի գյուղի արդեն իսկ XIII—XV դարերից հիշատակվելու փաստը, կարելի է ենթադրել, որ Շուշիի բերդը ևս, եթե ոչ գյուղին հասակակից, ապա դեթ շատ ավելի վաղ է գոյություն ունեցել, քան ընդուն-

¹ ԺԵ դարի հայերեն ձեռագրերի հիշատակարաններ, աշխատասիրությամբ Լ. Ս. Խաչիկյանի. մասն Ա, Երևան, 1955, էջ 384։

² Ա. Հովհաննիսյան. Դրվագներ հայ ազատագրական մտքի պատմության. հ. 2, Երևան, 1959, էջ 24, ժան. 2։

³ Մաշտոցի անվան Մատենադարան, ձեռ. № 4375, էջ 264ա, Հմմտ. Ա. Հովհաննիսյան. Նշվ. աշխ., էջ 24։

⁴ Դիվան հայ վիմագրության, պրակ. 5, Արցախ, կազմեց Ս. Գ. Բարխուդարյան. Երևան, 1982, էջ 146։ Ե. Լալայան. Երկեր. հ. 2, Երևան, 1988, էջ 31։

⁵ Ե. Մ. Մկրտչյան. Լեռնային Ղարաբաղի պատմաճարտարապետական հուշարձանները. Երևան, 1980, էջ 146—147, նույնի՝ Историко-архитектурные памятники Нагорного Карабаха. Ереван, 1988, с. 175.

ված էր կարծել մինչև վերջերս⁸։ Շուշիի բերդի մասին գրավոր աղբյուրները վերաբերում են XVIII դարի սկզբին։ Հստ այդմ, անվիճելի է, որ Շուշիի բերդը կար և բնակեցված էր մինչև Արցախում ազատագրական պատերազմների սկիզբը։ Այդ փաստը ստիպված արձանագրել են անգամ Շուշիի բերդը XVIII դարի կեսերին հիմնադրված լինելու տեսակետի մոլի կողմնակիցները⁹։ Հետագայում գալով Շուշի, օտար տիրապետողները տիրացել են նաև վաղուց արդեն կառուցված շենքերին։ Անշուշտ Շուշիի բերդն է նկատի առնվում «Շօշ-վայ քարեն» արտահայտությամբ հետևյալ վկայության մեջ. «Ավան ուզբաշին, որ եկավ Շօշվայ քարեն մտավ, սահիբ խուրուշ իլավ ՌՃԿԳ (1717)» և «Օսմանլուն, որ քարեն կալա, Ավան ուզբաշին փախավ քինաց»¹⁰։

Առանձին կարևորություն են ստանում Շօշ սղնախում (իմա՝ ամրությունում) գրված այլ վավերագրեր, որոնցով հաստատվում են վերոբերյալ վկայությունները գոյության ու նրա պատկանելության մասին։

1724 թ. հունվարի 4-ին Ավան և Միրզա հարյուրապետների կողմից «Շօշ սղնաղումն» գրված և ուսական արքունիք հղված վավերագրում Արցախի Դիվան և Վարանդա պալատների ժողովրդի անունից նշվում է. «Մեք, Հայոց նրկրի, որ է Դիվան և Վարանդա երկրի, ուղբաշին և մեք մեք թամամի մեծով և փոքրով, վարդապետով և քահանայով, մելիքով և քոխոդեքով, քելիքով և ըստյաթով, թամամի մեր ասկարովս, ներքս գրեալքս մեր կամքն և մեր յօժարութեամբն ծառայ դառնալ վերոյ գրեալ մեծին արքային...»¹¹։

1724 թ. հունվարի 12-ին Ավան հարյուրապետի հրամանատարության ներքո գտնվող զորքի մասին նույն ինքը՝ Ավանը, վկայում է. «Մեք Շօշի սղնաղին ուղբաշինքս և մեր թաբուն թալեղովս, որ հաշիք հարաշուլ կանք, ես՝ ուղբաշի Ավանըս, և ես՝ ուղբաշի Միրզես, մեր թաբուն թալեղովս կանք ԾՃ (500) թվանկաւոր սահաբ եարաղ և էլ առանց եարաղ յազիր էլ մարդ կայ ԶՌԴՃ (6400)... և էսչանք ժամանակ աչ, որ մեր երկիրն պախէլ անք...»¹²։

1725 թ. դեկտեմբերի 17-ին Ռուսաստանի սոտաքին զործիների կոլեգիայում հայոց սղնախների կողմից առաքված Զելեբի քոխվան վկայում է, թե իրենք գնացել են «к первому армянскому собранию, которое было с юзбашею Аваном при деревне Шоше»¹³։

1725 թ. դեկտեմբերի 19-ին ուսական արքունիք հղած իր պեղուցագրում գեներալ Մատյուշկինը հայտնում է, որ «Ավան յուղբաշին, հավաքելով 10000 հոգի լավ զինված մարդիկ... մնացել է սղնախում և բերդ է կառուցում»¹⁴։ Այսպիսով վերոբերյալ փաստերը վկայում են, որ Շուշի բերդին տիրում էր Ավան հարյուրապետը և նա այնտեղ մեծ զործ է կատարել ուղղափառապետությանը ամրապնդելու ուղղությամբ։

Շուշի ամրոցի սկզբնավորման ու պատկանելության հարցին անդրադարձել է նաև ակադ. Ա. Գ. Հովհաննիսյանը։ Իր խմբագրությամբ հրատարակված փաստաթղթերի ժողովածուի առաջաբանում ներկայացնելով հանդուրում ընդ-

⁸ Զի փաստարկվում էնոյի կարծիքը, թե բերդն է իր անունը տվել ղյուղին (Լեոն. Երկրի ժողովածու. հ. 3, մաս երկրորդ, Երևան, 1973, էջ 267, հմտ. նույն տեղում, էջ 606, ծան. 31)։

⁹ Азербайджан (Исторические и достопримечательные места), под общей редакцией М. А. Казнева. Баку, 1960, с. 91.

¹⁰ Հ. Քոփչյան. Ցուցակ ձեռագրաց Դադյան Խաչիկ վարդապետի, հ. Ա, էջմիածին, 1898, էջ 35։ Հմտ. Ա. Հովհաննիսյան. նշվ. սղնա., հ. 2, էջ 609։

¹¹ Армяно-русские отношения в первой трети XVIII века. Сборник документов. Под ред. А. Г. Иоаннисяна. Т. II, ч. II, Ереван, 1967, с. 71.

¹² Նույն տեղում, էջ 57։

¹³ Նույն տեղում, էջ 265։

¹⁴ Ա. Արա համյան. Մի էջ Անդրկովկասի ժողովուրդների և հայ-ուսական հարաբերությունների պատմությունից. Երևան, 1953, էջ 121։

գրաված վավերագրերը, նա դրում է. «Իվան Կառապետի նամակներից մեկում հիշատակվում է. «Քարազլիսի նոր շինած զալումն»։ Մեկ այլ նամակում Իվան Կարապետը հաղորդում է, որ ինքը գտնվում է «Քարազլիսի սըղնախում» և հյուրընկալվում է Թարխան և Բաղի հարյուրապետների մոտ։ Ի հաստատումն նրա, որ այստեղ խոսքը հենց Շոշի ամրոցի մասին է, որի հիման վրա հետագայում առաջացել է Շոշի քաղաքը, պետք է մատնացույց տան այն փաստը, որ այդ քար-ամրոցի ստորոտում է գտնվում հայկական «Քարին տակ» գյուղը (աղբյուրներն՝ «Դաշ-ալթը»), իր անվանման մեջ այն պահպանել է ամրոցի հին անվան հետքերը՝ «Քար» կամ «Քարազուխ»։ XVIII դարի 20-ական թթ. այդ ամրոցը սղնախիների գլխավոր ամրություններից էր»¹³։

Ա. . Հովհաննիսյանի ենթադրությունը, թե Քարազուխը նույն Շոշին է, ստացել է լայն քաղաքացիություն և այն փորձել են հիմնավորել կամ պարզապես կրկնել են հետագայի բոլոր ուսումնասիրողները¹⁴, նման նույնացման համար կռվաններից հիմնականը, այդպիսով, դարձել էր Իվան Կարապետի նամակներում հիշատակվող «Քարազլիսի նոր շինած զալումն» արտահայտությունը և Քարին տակ գյուղի առկայության հանդամանքը Շոշի բերդի մոտ։

Հիշյալ վավերագրերը, որտեղ Թարխան հարյուրապետը հիշատակվում է Քարազլիսի բերդում, Իվան Կարապետի զեկուցագրերն են, որոնք, գրված լինելով Քարազլիսի բերդում, ոչ մի կասկած չեն թողնում իրենց հավաստության և իրազեկության առումով։ Առաջին վավերագրում (1724 թ. հուլիսի 18) Իվան Կարապետը նշում է, թե «էս Քարազլիսին սղնաղումն Թարխան և Բաղի ուղբաշոնց քաղին ամ»։ Երկրորդ վավերագրում, որ գրված է նույն թվականին, ուղղակի նշվում է. «Գրվեցավ Քարազլիսի նոր շինած զալումն»¹⁵, Իվան Կարապետի այս նամակի ըովանդակության հետ իրենց համաձայնությունը հավաստելու համար գրված են մի շարք անձնավորությունների կնիքներ, որոնց մեջ առաջին տեղում են Թարխան և Բաղի հարյուրապետների ու մեկիք Գրիգորի կնիքները։ Նկատենք, որ կնիքների շարքում ռաջակայում են Ավան հարյուրապետի և այլոց կնիքները, որոնք այսուր հիշատակվում են որպես Շոշի սղնախի տիրակալներ։

Նշելի է նաև հանգամանքը, որ այսուր Թարխան հարյուրապետի «սղնախը» հիշատակվում է նախն գավառում¹⁶, այն դեպքում, երբ Ավան հարյուրապետի Շոշ գյուղի մոտ եղած սղնախը (Շոշի բերդը) Վարանդայի կազմում էր։ «Քարազուխ» բերդ-սղնախի շփոթը Շոշի բերդի հետ տեղի չէր ունենա, եթե Պ. Հարությունյանի կողմից¹⁷, որն առաջին անգամ նկատել էր այդ հանգամանքը, ճիշտ բացատրություն ստանար մի այլ վավերագիր ևս, որտեղ Թարխանը սակայն հիշատակվում է Շոշում և որը հարկ է այստեղ ավելի հանգամանորեն պարզաբանել հետագայում ևս թյուրիմացություններից խուսափելու համար։ Ահա այդ վավերագիրը. «Մեք Շոշի եղեալ ուղբաշիքս, ես՝ Թարխանս, և ես՝ Բաղիս, և ես՝ Փանիս, և ես՝ Սարգիսրս, և ես՝ Սադեղս մեր թարուն թալեղովս և մեր քէվխայ քաղխողէքովս և Գանջոյ

¹³ Армяно-русские отношения..., т. II, ч. I, Ереван, 1964, с. XLII.

¹⁴ Մ. Ս. Սողոմոնյան. Արցախ-Ղարաբաղի պատմությունից. — Քաների Հայաստանի արխիվների, 1969, № 1, էջ 139—145; Հայկական սովետական հանրագիտարան. հ. 8, էջ 599; նույն տեղում, հ. 10, էջ 450; Հայ ժողովրդի պատմություն. հ. 4, Երևան, 1972, էջ 151, 160; Բ. Հ. Տեր-Յասպարյան. Շոշի, Երևան, 1993, էջ 33; Ե. Սկրտչյան. Նշվ. աշխ. Գ. Բ. Աբրահյան. К вопросу об армянстве Арцаха. — «Լրբեր հասարակական գիտությունների, 1993, № 1, էջ 11:

¹⁵ Армяно-русские отношения..., т. II, ч. II, с. 186, 188.

¹⁶ նույն տեղում, էջ 78:

¹⁷ «Тархан-юзбаши упоминается то как представитель Хачена, то как представитель сгнаха Шох» (Տե՛ս Ս. Բ. Արտյունյան. Освободительное движение армянского народа в первой четверти XVIII века, М., 1954, с. 228).

խայէրօվս, մեծօվ և փոքրօվ խնդրեցինք ի վան Կարապետէն, որ մեր կողմանէ Ա (1) գիր գրի Գանջայ մայալին քաղխողէքոնց վերէն, որ մեր միջումն բարըշոթիւն ձգի, որ զմինոյ խեղ բարըշացանի, որ մեք և գանջցիք բարիշ լինենք, մինչի մեր թագաւորըն գայ, մեզ հասանի: Գրվեցաւ թիվն ՌՃՀԳ (1724) փետրվարի ամսին ԻԲ (22)-ումն¹⁸:

Ինչպես հայտնի է, մինչև 1724 թ. սկզբները գոտոթյուններ, հակասություններ և թշնամանքի ու իրարամերժ գործողությունների փաստեր կային ոչ միայն Արցախի ազատագրական պայքարի ելած ուժերի, այլև Գանձակի մահմադական բնակչության և Արցախի հայերի միջև: Այդ հակասությունները պայմանավորված էին ինչպես իրենց աշխարհագրական դիրքով և օտար նվաճողներին դիմագրավելու ընթացքում առաջացած տակտիկական միջոցառումների տարբերությամբ, այնպես էլ այն հակասությամբ, որ կար եկվոր շիրվանցիների և տեղացի իշխողների միջև: Այդ մասին վկայում է ի վան Կարապետը Ռուսաստան առաքած իր նամակներից մեկում. «Սե մեք Ղափանայ եկինք, տեսինք, որ Եւայէ ախբէր Աբրայամն և Սարգիսն եկէլ ան քշերն ղօշունօվ մեծ աղնաղն կոխել ան և Թաթիսան ուզբաշին բռնել ան և շիրվանցոնց տնէրն թալանէլ ան... էն թարեղէն մինչ ի էս թարեղս Եսային ախբէր ղօշուն ալ հավաքում, բերում Թարխանին վերայ կոխլ անում, յամէն գալոյ Բ-Գ (2—3) մարդ ուրն էն որ սպանման ալ, փախման ալ, յեդ ալ էրթում և ճանապարհին ինչ հայի դեզ որ Թարխանին թաքէ ալ, թալանում է տավարանին և ինչ օր ձեռն ալ ընկաման, տանում ալ: Եւ մէլիք Բաղէրն ղօշուն ալ հաւաքել, Ավան ուզբաշսն ճեռ ալ կոխլ առում. նայ էլ Ավանին գեղարէնքըն ալ շափմիշ անում. յամէն օր էստոնդ մէշն կոխլ ալ:

Եւ էս Շիրվանայ տղէքըն ան էս երկիրս Քորդի ձեռնէ ազատել և Շիրվանայ տղէքըն, Թարխան ուղարշին ուզում չէ կոխլ առնլն և մարդ կոտորելն. ասում ալ, թէ հայ եան, ես գո՞ր կոտորէմ: Եւ թէ ուզի Ա(1) օրումն կէկատորի: Ասում ալ Եսայէ, Սարգիսն և Աբրայամին, թէ յամէն մարդ ուր բաժինին ղարուլ չեն առում. գողի նման գալիս են դեզ շափմիշ անում. նայ էլ, մէլիքըն էլ փախման ան ուրէնց ղալէն. և մոնչ օվ իմ խօսկն լսում չեն և բարըշում չէն. էդպէս յամէն օր կոխլ ալ¹⁹:

Նման վիճակին վերջ տալու և ուժերը համախմբելու համար մեծ գործ են կատարում ինչպես ի վան Կարապետը, այնպես էլ Թարխան և Ավան հարյուրապետները²⁰: Նրանք փորձում են Շոշ հրավիրել հակամարտ ուժերի մի շարք ներկայացուցիչների և համաձայնություն ստանալ դադարեցնելու հակամարտությունը:

Վերոհիշյալ փաստաթուղթը կազմվել է նման հանդիպումներից մեկի ժամանակ՝ 1724 թ. փետրվարի 22-ին, երբ Շոշում հավաքված (վավերագրում՝ «եղնալ») Թարխան, Բաղի, Փանի, Սարգիս, Սադեղ հարյուրապետներն ու Գանձակի հայերի ներկայացուցիչները համատեղ լիազորել են ի վան Կարապետին իրենց անունից բանակցություններ վարելու Գանձակի մահմադական իշխանությունների հետ՝ համագործակցության եզրեր մշակելու համար օսմանյան զորքերին դիմագրավելու գործում: Այսպիսով, ինչպես վերոհիշյալ հարյուրապետները, այնպես էլ Գանձակի հայերի ներկայացուցիչները Շոշի սղնախում էին գտնվում համատեղ որոշում կայացնելու նպատակով և, ըստ այդմ էլ, այդ վավերագիրը չի կարող փաստարկ ծառայել նրանց այդ սղնախի տիրակալներ ճանաչելու և դրանով իսկ Շոշի և Քարազխի սղնախների նույնացման համար:

Ավելին, վավերագրում հստակ տարբերակված է Թարխան հարյուրապետի սղնախը (Քարազխի), որի դեմ պատերազմում էին Աբրահամ և Սար-

¹⁸ Армяно-русские отношения..., т. II, ч. II, с. 71.

¹⁹ Նույն տեղում, էջ 187:

²⁰ П. Т. Арутюнян. Указ. соч., с. 243—247.

գիս մեկիքները, և Ավան հարյուրապետի սղնախը (Շոշ կամ Քար), որը հարձակման էր ենթարկվում մեկիք Բաղերի զորքի կողմից:

1726 թ. նոյեմբերի 15-ին ռուսական հրամանատարությունը ուղարկված Ավան և Օհան հարյուրապետների նամակում ևս հստակորեն տարբերակված են հիշյալ սղնախները. «Այս է՝ Գարայաղին խապարն. ԽճՂՆ (1726) թվին նոյեմբերի 15) էր, որ սարասկարն Շամախու եկաւ Պարզայ, Եսալի հողերը տէրն քուլ Գարայաղի մէկիքներովն և քաղխուղովն գնացին Պարզայ սարասկորին դանշար: Սարասկարն վեր կալան եկին Շոշու՝ Ավան ուզալաշին և Ոյան ուզալաշին դալէն վերայ: Ը (8) օր կռիւ արին թօփով և զօքարով. Բարին մինչ ի կէսն կալան, էլ աւել չի կարացին գնալ: Եւս շատ ուժով ետիր դարան Գարայաղան:

էն ժամանակ, որ Իվան Կարայապետն թագաւորին ուղարկովն եկաւ Գարայաղ, շատ և շատ ձի և շատ ուժով ոչխար և շատ կով ժողովեալ էի թագաւորին դռնունին համար, սաքասկարն ուր եկաւ Քարին վերայ, ոխ և դարան: Յետ նորայ, ԸՃ (800) մարդ կոտորվեց ևս երկիշարի աղան, ղրխչէզման ամէն սաաակեցաւ: Սարասկարն յետ դառաւ դնաց Կանգայ:

Թարխան ուզալաշին, Սարխիս ուզալաշին, Աբրահամ ուզալաշին դալոցն վերայ էլ կոխվ շիլաւ, միայն Ավան ուզալաշին յետ կոխեց ու յետ դարցաւ Խարասկորին, որ դնաց (և) Կանգայ նստեց»²¹:

Այսպիսով, կարծում ենք, կարելի է ապացուցված համարել, որ Բարխան հարյուրապետի Քարագլուխ և Ավան հարյուրապետի Շոշ կամ Քար սղնախները միանգամայն տարբեր ամբողջություններ են և նրանց նույնացումը արդարացիված չէ: Իվան Կարայապետի նամակներում հիշատակված Քարագլուխ ամբողջը, մեր կարծիքով, կարելի է նույնացնել միայն Խաչին գավառում գտնվող Քարագլուխ կամ Շիկաքար ամբողջի հետ²²: Այն վաղադուլնս հիշատակվում է Մովսես Դասխուրանցու երկում. «Ե լնուլ ՄՂ (270+551=821) թուոյ հայոց ելին գալտաբար ի Պարտաւայ արք ընտիրք ի տաճկաց և յաւարի առին ղԱմարաս գաւառ և դերի առեալ իբրև ոգիս հաղարս և ի Մեծիրանց սահմանի ամրացեալք ի տեղուջն, որ կոչի Շիկաքար...»²³, Քարագլուխ գյուղը հիշատակվում է նաև XVII դարի մի վավերագրում, որտեղ գյուղի ժողովրդի անունից հավաստվում է Քարագլխի պատկանելութունը Գանձասարի վանքին²⁴:

Վերոբերյալ փաստերի հիման վրա ուղղելի է հետեւապես նաև այն պնդումը, թե «Քարագլխի [իմա Շոշի] անկումից հետո Ավան յուզբաշին իր տրամադրության տակ գտնված ուժերի մնացուկներով պատսպարվում է Թարխան յուզբաշուն ենթակա Դիզակի կենտրոնում՝ Տոզ բերդասարի լանջին կառուցված համանուն ավանում»²⁵:

²¹ Армяно-русские отношения..., т. II, ч. II, с. 286.

²² Շիկաքար-Քարագլխի տեղադրության մասին տե՛ս Մ. Բարխուդարյան. Արցախ, Բազա, 1895, էջ 197: Ե. Մ. Կրտչյան. Տղվ. աշխ., էջ 138—139: Մեկ այլ Քարագլուխ գյուղի տեղադրության մասին (Մամձորի հյուսիսում) տե՛ս Մ. Բարխուդարյան. Արցախ, էջ 64: Մեկ այլ Քարագլուխ արձանագրված է Գյուլիստանի մոտ, տե՛ս նույն տեղում, էջ 241—242:

²³ Մովսես Կաղանկատուացի. Պատմութիւն Աղուանից աշխարհի, քննական բնագիրը և ներածութիւնը Վ. Առաքելյանի. Երևան 1983, էջ 326:

²⁴ Լ. Թոփչյան. Ցուցակ ձեռագրաց Խ. վ. Դադյան. մասն Բ, Վաղարշապատ, 1900, էջ 24:

²⁵ Հայ ժողովրդի պատմություն. հ. 4, Երևան, 1972, էջ 160: